



Amt für Jagd und Fischerei Graubünden
Uffizi da chatscha e pestga dal Grischun
Ufficio per la caccia e la pesca dei Grigioni

7001 Cuir, Ringstrasse 10

Telefon +41 81 257 38 92

E-mail: info@ajf.gr.ch

www.ajf.gr.ch

Rapport da quartal davart ils animals da rapina gronds 4/2025

31 da december 2025


Cuntegn

1	Luf	3
1.1	Triep.....	3
1.2	Pèrs da lufs	3
1.3	Perditas.....	4
1.4	Sajettadas da regulaziun.....	4
1.5	Donns d'animals da niz tras lufs	4
1.6	Lufs munids cun emetturs	5
1.7	Eveniments spezials.....	5
2	Urs	5
3	Luf-tscherver	5
4	Schacal mellen	6
5	Ulteriuras infurmaziuns	6

1 Luf

1.1 Triep

Per ils 31 da december 2025 èn confermads 11 trieps da lufs entaifer il chantun ed in triep transcunfinal.



1.2 Pèrs da lufs

En las regions, nua ch'ins ha constatà pèrs da lufs, è la situaziun sa sviluppada sco suonda:

Mesauc Central

Er durant il 4. quartal 2025 han ins puspè cumprovà dus lufs en il territori enturn la vischnanca da Lostallo. Il pèr da lufs na tutga betg tar il triep da Moesola, che viva en il Mesauc dal Nord.

Engiadina Bassa

A partir da mez settember han ins constatà lufs giuvens a medem temp en la Val Sinestra sco er en la Val S-charl, ch'è situada en ina distanza da ca. 15 kilometers en lingia directa. Perquai era il UCP, suenter avoir consultà la KORA, partì il cumenzament da l'october 2025 da dus trieps da lufs independents (cf. comunicaziun sin la pagina d'internet dal UCP dals 10-10-2025).

Pliras emprovas dal DNA, tranter auter da lufs ch'èn vegnids sajettads durant la regulaziun, han ussa mussà, ch'ils lufs, ch'èn vegnids attribuids al triep da lufs *Clemgia*, appartegnan al triep *Sinestra*. A maun dals resultats genetics ils pli actuals na datti uschia nagins indizis per in triep da lufs independent «Clemgia».

Sin ils territoris communal da Scuol, Zernez e Val Müstair han ins chattà durant il 4. quartal pliras cumprovas d'in pèr da lufs cun in luf mastgel cun pail nair.

Brusio

Er durant il 4. quartal 2025 han ins pudì cumprovar pliras giadas dus lufs sin il territori communal da Brusio ed en la part sid da Poschiavo.

Territori da Planeiras / Arosa

En il territori da l'anteriur triep dal Corn da Lantsch han ins chattà cumprovas d'almain in pèr da lufs durant il 4. quartal 2025.

1.3 Perditas

Durant il 4. quartal 2025 han ins chattà in luf mort amez la via chantunala sin il territori communal da Bravuogn Filisur. Probablmain è quai stà in accident da traffic.

Dus ulteriurs accidents da traffic èn capitads sin il territori communal da Tavau. Per l'ulteriura analisa forensica e biologica èn tut ils cadavers da lufs vegnids surdads al Center per medischina da peschs e selvaschina (FIWI) a Berna.

Ina survista da las perditas e sajettadas d'animals malsauns e blessads tenor l'art. 8 LChP dat il «Monitoring dal management dal luf» (www.luf.gr.ch > Fegls d'infurmaziun, publicaziuns, projects > Publicaziuns).

1.4 Sajettadas da regulaziun

Ina survista da las sajettadas dat il «Monitoring dal management dal luf» (www.luf.gr.ch > Fegls d'infurmaziun, publicaziuns, projects > Publicaziuns).

1.5 Donns d'animals da niz tras lufs

Il 4. quartal 2025 èn vegnidas registradas 7 attatgas sin animals da niz (guardar tabella qua sutvart).

1. quartal	nursas, chauras	lamas, alpacas	arments	equids	total
morts	1	0	0	0	1
blessads	3	0	0	0	3

2. quartal	nursas, chauras	lamas, alpacas	arments	equids	total
morts	22	0	0	0	22
blessads	2	0	0	0	2

3. quartal	nursas, chauras	lamas, alpacas	arments	equids	total
morts	163	0	2	1	166
blessads	24	0	0	0	24

4. quartal	nursas, chauras	lamas, alpacas	arments	equids	total
morts	26	0	2	0	28
blessads	3	0	0	0	3

Total da cas cumprovads l'onn 2025

Animals da niz mazzads	Animals da niz blessads
217	32

Durant il 4. quartal 2025 è vegnida annunziada a l'Uffizi da chatscha e pestga (UCP) ina muntanera da muvel grond cun cumportaments singulars. Ina reconstrucziun da l'andament da l'eveniment n'è per regla betg pussaivla ed il connex direct cun la preschientscha dal luf na po betg adina vegnir cumprovà.

1.6 Lufs munids cun emetturs

Actualmain n'è nagin luf muni cun in emettur da GPS che funcziunescha.

1.7 Eveniments spezials

Ina persuna ha annunzià, ch'ella haja inscuntrà in luf sin il territori communal da Scuol. Il luf saja suandà ella e ses chaun da chasa sin ina curta distanza. L'inscunter n'ha betg pudì vegnir verifitgà.

Il november èn vegnids observads dus lufs a Jenisberg sin il territori communal da Bravuogn Filisur. Ils lufs han mussà in cumportament da fugia retardà.

Er dus lufs sin il territori communal da Lantsch han mussà il november in cumportament da fugia retardà. La sorveglianza da chatscha locala ha pudì spaventar ils lufs.

Link a [Reglas da cumportament cun il luf](#).

2 Urs

Durant il 4. quartal èn entradas 13 infurmaziuns davart urs. A maun d'identificaziuns geneticas po vegnir cumprovà in urs (M104). Sin basa da las infurmaziuns or dal monitoring èsi però pussaivel da confermar, che dus urs èn sa trategnids temporarmain en il chantun. Las cumprovas derivan per gronda part dal territori communal da Zernez, mintgamai ina cumprova dals territoris communal da S-chanf e da Zuoz.

3 Luf-tscherver

Dal favrer fin l'avrigl ha già lieu en Surselva la segunda runda dal monitoring sistematic dal luf-tscherver. Dal monitoring resulta ina populaziun approximativa da 17 lufs-tscherver independents. Per infurmaziuns detagliadas vegni renvià en quest lieu al rapport publitgà. (www.kora.ch > Bibliothek > Luchs > KORA Berichte).

4 Schacal mellen

Durant il 4. quartal 2025 è vegnì observà 4 giadas in schacal mellen sin ils territoris communal da Scuol e da Valsot. Questas observaziuns n'han betg pudì vegnir verificadas. Sin il territori communal da Mustér ha ina trapla fotografica e sin il territori communal da Lumnezia han duas traplas fotograficas furnì la cumprova d'in schacal mellen durant il 4. quartal.

5 Ulteriuras infurmaziuns

Sin sia pagina d'internet porscha l'Uffizi da chatscha e pestga sut www.luf.gr.ch infurmaziuns davart ils animals da rapina gronds en il Grischun.

Ultra da quai cumpara sin la pagina d'internet mintga mais il «Monitoring dal management dal luf» cun las cifras las pli novas davart il luf en il chantun.

Il sistem d'infurmaziun dad SMS è vinavant en funcziun. Las communicaziuns stattan a disposiziun a puras e purs, a la pastiglia, ad apiculturas ed apiculturs sco er a las autoritads communalas. Per l'annunzia èsi d'inoltrar il formular sut www.luf.gr.ch > Observaziuns > Servetsch d'infurmaziun dad SMS.

Infurmaziuns davart la situaziun dals animals da rapina gronds sin plaun naziunal chattais Vus sut KORA.ch.

Resultats genetics e cumprovas da lufs pli veglias pon vegnir consultads da la publicità cun in retard da 90 dis sin la banca da datas online da KORA sut KORA Monitoring Center.